

# Hutan paru-paru hijau untuk Bumi

HUTAN merupakan satu khasanah yang amat besar dikurniakan Tuhan dan ia mempunyai banyak manfaat kepada Bumi.

Namun kini banyak kawasan hutan diteroka untuk tujuan-tujuan tertentu yang memberi kesan kepada ekosistem.

**Dekan Fakulti Perhutanan Universiti Putra Malaysia, Prof. Dr. Mohamed Zakaria Hussin** berkata, kepelbagaian biodiversiti yang ada di dalam hutan adalah

sesuatu yang amat penting.

Biodiversiti mengawal interaksi ekosistem dan proses biologi lain yang kompleks termasuklah kitaran nutrien, pendebungaan, pembentukan dan perlindungan tanah, kawalan banjir dan iklim.

Jelasnya, jika hutan hujan terus diteroka



MOHAMED ZAKARIA

ia akan memberi kesan kepada biodiversiti sekali gus boleh mengakibatkan berlakunya masalah lain seperti tanah runtuh, kemarau, banjir lumpur dan sebagainya.

“Penerokaan hutan yang berleluasa akan menyebabkan kepelbagaiannya spesies flora dan fauna musnah. Haiwan liar terutamanya akan terkesan

dan perlu mencari habitat baharu untuk meneruskan kehidupan.

“Hutan sebenarnya adalah paru-paru hijau dan ia berperanan untuk memberi udara bersih kepada Bumi dengan menapis udara yang tercemar.

“Selain itu, hutan juga membekalkan gas oksigen ke atmosfera yang diperlukan oleh manusia dan juga haiwan,” jelasnya ketika dihubungi *Kosmo!* baru-baru ini.